

# Politicher glarunais, pestgader e chatschadur

Il sulet candidat per il presidi da la pbd

CUN MARTIN LANDOLT HA DISCURRI  
CLAUDIA CADRUVI / ANR

■ **La sonda elegian ils delegads da la pbd in nov president. Il cusseglier nazional glarunais Martin Landolt candidescha sco sulet. Sia elecziun è tant sco segira. La radunanza da delegads ha lieu a Glaruna.**

*Tge fascinescha Vos vi da l'uffizi da president?*

Martin Landolt: I ma plascha da surpiagliar responsabladad e d'esser ina persuna che dastga influenzer il destin da questa partida. Igl è ina partida per la quala jau hai – ensemen cun auters – investà bler temp. Perquai èsi mes grond giavisch che la partida sa sviluppeschia en ina buna direcziun.

*Tge tip essas Vos?*

Jau stun con omaduas chommas sin terra e sun autentic. Entras quai sun jau probabel era credibel. E sco gia ditg, jau surpigl gugent responsabladad ed hai gugent las hottas enta maun.

*Hans Grunder è stà in president spiertus che n'ha mai temì las partidas grondas. Tge stil vulais Vos etablir?*

Ins dastga segir spetgar in stil sumegliant. Jau politisesch er ina giada cun curaschi e cun ina tscherta segirezza da mamez.

*Glaruna ha trais politichers en il parlament a Berna e tuts trais en enconuschents. Pertge sa profileschan ils politichers glarunais uschè bain?*

Nossa cultura politica sa basa sin la tschentada da cumin. Nus stuain politisar a moda reala e tschertgar soluziuns ed alianzas. Uschia possedain nus Glarunais in bun satgados d'experientschas che ans gida a Berna. Sin il cumin da Glaruna n'han ins praticamain nagina schanza sch'ins na politisescha betg a moda temprada e moderada.

*Ma This Jenny n'è gea insumma betg in politicher moderat?*

El na vala en la pps segir betg sco in che fan mo obedienscha. En tut n'ha el dentant tuttina mai pers ses equilibr.

*E Vos n'essas gea era betg moderat. Avant quatter onns eras Vos vicepresident da la pps glarunaisa ed essas extrads sco in dals emprims. Vos n'eras betg pli d'accord cun il stil da la pps e cun il tractament dad Eveline Widmer-Schlumpf.*



La pps glarunaisa, en la quala jau era ma sentì da chasa, era sa persa. En questa partida n'aveva ina politica temprada tuttina nagin plaz pli. Perquai èsi stà consequent da sortir.

*Vos essas pia in politicher temprà e tuttina pront per midadas?*

Gea. Ins sto anc pudair guardar en il spivel la damaun. Ed ins dastga far part mo da chausas ch'ins è persvadì, uschigliu dovri correcturas.

*Vos avais fundà il 2008 la pbd da Glaruna cun radund tschient interessents. Quants commembers ha la partida ussa?*

Nus essan en il mument 250 commembers.

*La pbd ha fundà ina partida chantunala suenter l'autra. Co vai vinvant? Stoi dar en mintga chantun ina pbd?*

Betg per tut pretsch. Ma i dat impurtants chantuns nua che nus n'essan anc betg preschents, per exempel Genevra che fiss pervia da sia gronda populaziun strategicamain impurtant. Ma nus ans stuain era plazzar meglier en quels chantuns che nus essan gia preschents. Che nus essan creschids uschè svelto ha per part già ses pretsch. Igl è da consolidar las structuradas en tschertas partidas chantunals e da tegnair stendi era sin champ communal.

*A Son Gagl hai dà turbulenzas du-*

*rant las elecziuns naziunals. Datti anc autras partidas cun problems?*

En il fratemp, e cun midadas da persuasal, essan nus puspè bain en cursa. A Son Gagl avain nus fatg buns resultats tar las elecziuns chantunals. En il Vad n'avain nus forsa betg gist problems, la partida funcziuna bain, ma nus essan simplamain anc memia pauc fermes per pudair giugar ina rolla seriusa en quest grond chantun.

*En tge parlaments chantunals ha la pbd fracziuns?*

Sa chapescha a Berna, en il Grischun ed a Glaruna ed uss en il Turgovia. A Basilea Citad, en l'Argovia ed a Turitg manca mo pauc per cuntanscher la fermezza da fracziun.

*Tge pensais Vos dal secret bancar? È quel anc adequat?*

Quel è anc adequat en quel senn ch'el protegia la sfera privata dal client da banca. Per che quai restia uschia èsi impurtant ch'ins delibereschia il secret da banca da la renfatscha ch'el protegia persunas che na meritan betg la protecciun. La taglia d'indemnisaziun ch'ins vul uss introducir cun differents pajais è ina buna via per puspè gudar credibilitad.

*La renfatscha ch'il secret bancar gida ils fugitivs da taglia è omnipreschenta. Tge pensais Vos davart il barat automatic d'infurmaziuns che l'UE pretenda?*

Tenor mai fiss quai mender che la taglia d'indemnisaziun. Pertge lezza fa dapli effect cunter fugitivs da taglia, als quals i vegn immediat tratg giu daners. Il barat d'infurmaziuns na funcziuna betg uschè bain damai ch'ils mantuns da datas na pon betg vegnir elavurads uschè svelto.

*Vos avais lavurà tar bancas a Turitg, Londra e Genevra ed essas oz engaschads tar l'UBS SA en la direcziun. I dat critica che Vos sajas entreschads memia fitg en circuls da banca.*

Quai n'è betg uschia. Jau hai ina rolla interna tar l'UBS ed hai l'incumbensa da meglierar il sensori per la politica entaifer la banca. La vista politica duai penetrar meglier en ils process interns da l'UBS. Uscheditg ch'jau hai d'ademplier mo ina funcziun interna ed ins na spetga betg ch'jau davent activ a Berna per l'UBS na dat quai nagins conflicts d'interess. I dat autra gliעד tar l'UBS che fa la lavur politica.

*Pia che surpiglia lavur da lobby.*

Gea. Da quella gliעד hai dà gia avant ch'jau hai cumenzà tar l'UBS.

*Lavurais Vos a temp cumplain sco politicher?*

Na, da preschent hai jau in pensum da 60 pertschient tar l'UBS e suenter l'elecziun vegn jau a lavurar mo 40 pertschient.

*Vos essas anc president da la pbd gla-*

*runaisa e deputà en il parlament chantunale.*

Jau vegn a ma retrair sco president da la partida chantunala. Sco deputà less jau cuntinuar.

*Avais Vos insumma anc temp liber cun tants posts?*

Mamia pauc.

*Vos essas stads president dals chatschadurs da patenta da Glaruna. Cu essas Vos stads l'ultima giada a chatscha?*

Il december a Schaffusa.

*E tge avais vos sajettà?*

Nagut. Jau sun stà mo sco giast a chatscha.

*Cura avais Vos sajettà l'ultima giada insatge?*

Quai è stà l'october. Jau hai sajettà in chavriel en il Oberseetal sur Näfels.

*Sin Vossa pagina d'internet statti scrit che Vos essas era pestgader. Cura giais Vos a pestga?*

Jau entschaiv quest'emna. La stagiun cumenza tar nus en sasez l'emprim d'avrigl, ma per ils dutgs alpins cumenzi pir l'entschatta matg. Jau vom adina a pestgar en ils dutgs.

*Hai insumma peschs en ils pitschens dutgs?*

Gea, i ha schon. I aveva forsa ina giada dapli, ma jau na stoss betg adina pudair tiers in pesch. Jau gaud simplamin da star tut sulet intginas uras sper in ual.

*Vos dais volleyball ed essas president dal Seat Volley Näfels. Sin Vossa pagina d'internet stat scrit ch'i sa tractia dal club cun il meglier success en Svizra. Cura avais Vos gudagnà Voss ultim match?*

Avant circa trais emnas. Nus essan daventads ils terzs ed avevan già da defender il titel.

*Giais vos ad abitar a Berna sco president da la pbd?*

Na, jau vegn ad abitar en l'hotel, sch'jau vom a Berna. Fin uss sun jau era stà regularmain a Berna per sesidas da cumissiun. Uss cumbinesch jau ils viadis gist cun las lavurs da presidi sin il secretariat da partida.